

puram et levem commiscuit et humefecit medulla et post hoc in ignem ipsum imponit, post id in aquam tingit, rursus in ignem, rursus in aquam, transferens vero ita multoties in utrumque [343] ab utrisque efficit. Haec ossis ab opifice Deo, tamquam ab artifice ferrario fabrefactio carnis vero haec alia:⁴⁵ *Haec meditatus noster effector^{xiii}, aqua quidem ac igne et terra commiscens et cooptans ex acido et salso, componens fermentationem et submicens illis carnem humidam et mollem confecit.* Quod vero Aristoteles addit (*vel aliorum aliquid talium*), non aliud opinor intelligit quam generationem partium similarium Platonem non attigisse.

At post carnem nervi quoque formationem descripsit:⁴⁶ *Nervorum vero naturam ex osse et carne azima temperatura unam^{xiv} ex ambobus medium potentia contemporavit flavum colorem adhibens. Unde intentionem et tenaciorem carnibus, molliorem vero ossibus et humidiorem fabrefecit potentiam nervos.*

Similia de venis, medullis aliisque similaribus partibus per tractavit, non minus etiam de dissimilaribus, capite, cerebro, ore, naso, pectore, corde, pulmone, hepate, liene, alvo, ventre, digitis, unguibus, capillis est prosecutus. Neque solum de partibus, sed de humoribus quoque, unde similares primo generantur sanguine, bile, phlegmate, melancholia, ichore disseruit.

Cum autem id sit verissimum, quae fuit Aristotelis audacia affirmare Platonem, quo modo carnes vel ossa vel aliorum quid talium nihil?

⁴⁵ ταῦτα ἡμῶν διανοηθεὶς ὁ κηροπλάστης, ὕδατι μὲν καὶ πυρὶ καὶ γῇ συμμείξας καὶ συναρμόσας, ἐξ ὀξέος [ὸξέως] καὶ ἀλμυροῦ ξυνθεὶς ζύμωμα [corr. ex ζήμωμα] ὑπομείξας αὐτοῖς, σάρκα ἔγχυμον καὶ μαλακὴν συνέστησε. [PLATO, Ti. 74.c.5 – d.2]

⁴⁶ τὴν δὲ τῶν νεύρων [corr. ex νευρῶν] φύσιν ἐξ ὄστοῦ καὶ σαρκὸς ἀζύμου κράσεως μίαν ἐξ ἀμφοῖν μέσην δυνάμει συνεκεράσατο, ξανθῷ χρώματι προσχρώμενος. ὅθεν συντονωτέραν μὲν καὶ γλισχροτέραν σαρκῶν, μαλακωτέραν δ' ὄστῶν ύγροτέραν τε ἐκτήσατο δύναμιν νεῦρα: [PLATO, Ti. 74.d.2 – 6]

^{xiii} Corr. ex effector

^{xiv} Corr. ex unum